


醫宗必讀

四



醫宗必讀卷之四

雲間李中梓士材父著
門人張介福受茲父叅
姪孫李廷芳蘅伯父訂

本草徵要下

木部

桂味辛甘大熱有小毒入腎肝二經益火消陰畏石脂忌生葱去皮用見火無功
救元陽之痼冷温中降氣扶脾胃之虛寒堅筋骨強陽道乃助火之熱定驚癇通血脉屬平肝

之績下焦腹痛非此不除奔豚疝瘕用之即效
宜通百藥善墮胞胎 桂心入心脾二經理心腹之
恙三蟲九痛皆瘥補氣脉之虛五癆七傷多驗
宜氣血而無壅利關節而有靈托癰疽痘毒能
引血成膿 桂枝入肺膀胱二經無汗能發有汗能止
理心腹之痛散皮膚之風橫行而為手臂之引
經直行而為奔豚之向導

肉桂乃近根之最厚者桂心即在中之次厚
者桂枝即頂上細枝以其皮薄又名薄桂肉

桂在下主治下焦桂心在中主治中焦桂枝
在上主治上焦此本乎天者親上本乎地者
親下之道也王好古云仲景治傷寒有當汗
者皆用桂枝又云汗多者禁用兩說何相反
哉本草言桂辛甘出汗者調其血而汗自出
也仲景云太陽中風陰弱者汗自出衛實營
虛故發熱汗出又云太陽病發熱汗出者為
營弱衛強陰虛陽必湊之故皆用桂枝發汗
乃調其營則衛自和風邪無所容遂自汗而

解非桂枝能發汗也汗多用桂枝者調和營衛則邪從汗解而汗自止非桂枝能閉汗也
不知者遇傷寒無汗亦用桂枝誤矣桂枝發汗發字當作出字汗自然出非若麻黃之開腠發汗也
按桂性偏陽不可誤投如陰虛之人一切血證及無虛寒者均當忌之

松脂 味苦甘溫無毒入肺胃二經水煮百沸白濁方可用 祛肺金之風清胃土之熱除邪下氣壯骨強筋排膿止痛生肌煎膏而用牙疼惡痺崩中研末而嘗 松子

能益血潤大便溫能和氣主風虛 松葉可生毛髮宜晉凍瘡 松節舒筋止肢節之痛去濕搜骨內之風

松脂感太陽之氣而生燥可去濕甘能除熱故外科取用極多也松子中和久服有裨松葉有功于皮毛松節有功于肢節各從其類也 按松脂松葉性燥而溫血虛者勿服

茯苓 味甘淡平無毒入心腎脾胃小腸五經馬南色白而堅實 益脾胃而利小便水濕都消止者佳去皮膜用

嘔吐而定，洩瀉氣機咸利，下行伐腎，水泛之痰隨降，中守鎮心，憂驚之氣難侵，保肺定欬，嗽安胎止消渴，抱根者為茯神，主用俱同而安神獨掌紅者為赤茯苓，功力稍遜而利水偏長。

茯苓假松之餘氣而成，無中生有，得坤厚之精為脾家要藥。素問曰：飲入于胃，遊溢精氣，上輸于肺，通調水道，下輸膀胱，則利水之藥皆上行而後下降也。故潔古謂其上升，東垣謂其下降，各不相背也。按小便多其源亦異。

素問云：肺氣盛則便數，虛則小便遺。心虛則少氣遺溺，下焦虛則遺溺，胞絡遺熱于膀胱則遺溺，膀胱不約為遺厥陰病則遺溺。所謂肺氣盛者實熱也，宜茯苓以滲其熱，故曰小便多者能止也。若肺虛心虛，胞絡熱厥陰病皆虛熱也，必上熱下寒，法當升陽，膀胱不約下焦虛者乃火投于水，水泉不藏，必肢冷脈遲，法當用溫熱之藥，皆非茯苓可治。故曰陰虛者不宜用也。茯神抱根而生，有依守之義。

故鬼不守舍者用以安神赤者入丙丁但主
導赤而已 按病人小便不禁虛寒精滑者
皆不得服

琥珀 味甘平無毒入心 安神而鬼魅不侵清肺

而小便自利新血止而瘀血消翳障除而光明
復

感土木之氣而兼火化味甘色赤有艮止之
義故能安神有下注之象故利小便而行血
丹溪曰燥脾土有功脾能運化肺金下降小

便自通若因血少而小便不利者反致燥急
之苦 按滲利之性不利虛人凡陰虛內熱
火炎水涸者勿服

栝子仁 味甘辛性平無毒入心肝腎 安神定悸

壯水強陽潤血而容顏美少補虛而耳自聰明

心藏神腎藏精與志心腎虛則病驚悸入心
養神入腎定志悸必愈矣悅顏聰明皆心血
與腎水互相灌溉耳 按栝子多油而滑作
瀉者勿服多痰者亦忌有油透者勿入藥

側栢葉 味苦微寒無毒入肝經 止吐衄來紅定崩淋下血歷節風疹可愈周身濕痺能安

微寒補陰故應止血其治風濕者益脾之力也栢有數種惟根上發枝數莖蒙茸茂密名千頭栢又名佛手栢是真側栢也 按栢性挾燥血家不宜多服

枸杞子 味甘微溫無毒入腎肝二經 補腎而填精止渴除煩益肝以養營強筋明目

精不足者補之以味枸杞子是也能使陰生

則精血自長肝開竅于目黑水神光屬腎二藏得補目自明矣 按枸杞能利大小腸故洩瀉者勿用

地骨皮 味甘寒無毒入腎經 治在表無定之風邪主傳屍有汗之骨蒸

熱淫于內瀉以甘寒退熱除蒸固宜爾也又去風邪者腎肝同治也肝有熱則風自内生熱退則風息此與外感之風不同耳 按地骨皮乃除熱之劑中寒者勿服

槐花

味苦酸寒無毒入肝大腸二經含蕊而陳久者佳微炒

止便紅除血

痢咸藉清腸之力療五痔明眼目皆資滌熱之功子名槐角用頗相同兼行血而降氣亦催生而墮胎枝主陰囊濕癢葉醫疥癬疔疽

感天地陰寒之氣而兼木與水之化故為涼血要品血不熱則陰自足目疾與痔證交愈矣按槐性純陰虛寒者禁用即虛熱而非實火者亦禁之

酸棗仁

味酸平無毒入肝胆二經惡防已炒熟

酸收而心守其液

乃固表虛有汗肝旺而血歸其經用瘳徹夜無眠

膽怯者心君易動驚悸盜汗之所自來也肝虛者血不歸經則虛煩不眠之所自來也棗仁能補肝益膽則陰得其養而諸證皆安矣按肝膽二經有實邪熱者勿用以其收斂故也

黃檗

味苦寒無毒入腎經惡乾漆鹽酒炒肥厚鮮黃者佳

瀉龍火而救水

利膀胱以燥濕佐以蒼朮理足膝之痺痛漬以

蜜水漱口舌之生瘡

黃蘗瀉陰火除濕熱故治療如上昔人謂其補陰者非其性補蓋熱去則陰不受傷雖謂之補亦宜按苦寒之性利于實熱不利于虛熱凡脾虛食少或瀉或嘔或好熱或惡冷或腎虛五更泄瀉小便不禁少腹冷痛陽虛發熱瘰血停止產後血虛發熱金瘡發熱癰疽潰後發熱傷食發熱陰虛小水不利痘後脾虛小水不利血虛煩躁不眠等證法咸忌

之

楮實

味甘寒無毒入脾經 健脾消水腫益氣充肌膚

按楮實雖能消水健脾然脾胃虛寒者勿用

乾漆

味辛溫有毒入肝經畏鐵漿黃蘗汁 辛能散結行瘀血之神方毒可祛除殺諸蟲之上劑

行血殺蟲皆辛溫毒烈之性中其毒者或生漆瘡者多食蟹及甘荳湯解之按血見乾漆即化為水則能換新血可知虛者及慣生漆瘡者切勿輕用

五加皮 味辛温無毒入腎肝二經遠志為使惡玄參 明目舒筋歸功
于藏血之海益精縮便得力于閉蟄之宮風濕
宜求痼家必選

五加皮者五車星之精故服食家誇多之不
已嘗曰寧得一把五加不用金玉蒲車雖贊
詞多溢美必非無因而獲此隆譽也 按下
部無風寒濕邪而有火及肝腎虛而有火者
皆忌之

蔓荆子 味苦辛平無毒入肝膀胱二經惡烏頭石膏 頭風連于眼目

搜散無餘濕痺甚而拘攣展舒有效

氣清味辛體輕而浮上行而散故所主者皆
在風木之藏目之與筋皆肝所主也 按頭
痛目痛不因風邪而因于血虛有火者忌之
元素云胃虛人不可服恐生痰疾

辛夷 味辛温無毒入肺胃二經芎藭為使惡五石脂畏菖蒲蒲黃黃連石膏黃環去心及毛射肺中令人發效 辛温開竅真塞與昏胃咸宜清陽
解肌壯熱與憎寒並選

肺開竅于鼻而胃脉環鼻上行凡中氣不足

清陽不升則頭痛而九竅不利辛夷稟春陽之氣味薄而散能助胃中清氣上達高巔故頭面九竅皆歸于治平也 按辛香走竅虛人禁之雖偶感風寒而鼻塞亦禁之頭痛屬血虛火熾者服之轉甚

桑根白皮 味甘寒無毒入肺經續斷桂心麻子為使刮去粗皮蜜水炙有涎出不可去 瀉肺金之有餘止喘定嗽疏小腸之閉滯逐水寬膨降氣散瘀血止渴消燥痰瀉肺降氣是其職專利便去水者兼瀉子之

法也 葉可止汗去風明目長髮 子可補血安神生津止渴 枝可祛風養筋消食定效 桑耳調經止崩帶 桑黃清肺療鼻赤 桑柴灰除癰瘡蝕惡肉 桑霜別名木礪能鑽筋透骨為抽疔拔毒之品 按桑白皮瀉火肺虛無火因風寒而嗽者勿服桑椹子雖能補血脾胃虛滑者勿服 桑寄生 味苦平無毒入肝經忌火 和血脉充肌膚而齒髮堅長舒筋絡利關節而痺痛消除安胎簡用崩漏

徵醫

本能益血兼能去濕故功效如右海外深山
地煖不蠶桑無採持之苦氣化濃密自然生
出有言易啣他子遺樹而生者非也

杜仲

味辛甘溫無毒入肝腎二經
經惡玄參蛇蛻去皮酥炙強筋壯骨益腎

添精腰膝之疼痛皆痊遍體之機關總利
腎苦燥急食辛以潤之肝苦急急食甘以緩
之杜仲辛甘故主用如上亦治陰下濕癢小
便餘瀝按腎虛火熾者勿用

女貞實

味苦性平無毒入肝腎二經補中黑鬚髮明目養精

神

稟天地至陰之氣故交冬不凋氣薄味厚陰
中之陰降也雖曰補益偏于陰寒者也按
脾胃虛家久服腹痛作瀉

蕤仁

味甘溫無毒入肝經湯
浸去皮尖水煮過研膏破心下結痰除腹

中痞氣退翳膜赤筋理皆傷淚出
外能散風內能清熱肝氣和則目疾愈痰痞
皆熱邪為祟故宜並主按目病不緣風熱

而因于虛者勿用

丁香

味辛溫無毒入肺胃腎三經。忌見火畏鬱金。去丁蓋溫脾胃而嘔呃。

可瘳理壅滯而脹滿宜療齒除疳疔痘發白灰

脾為倉廩之官傷于飲食生冷留而不去則

為壅脹或為嘔呃煖脾胃而行滯氣則脹嘔

俱瘳也 按丁香辛熱而燥非屬虛寒槩勿

施用

雞舌香是其別名毋丁香乃其大者

沉香

味辛溫無毒入脾胃肝腎四經調和中氣破結滯而胃開

溫補下焦壯元陽而腎煖療脾家痰涎之血去

肌膚水腫之邪大腸虛閉宜投小便氣淋須用

芬芳之氣與脾胃相投溫而下沉與命門相

契怒則氣上肝之過也辛溫下降故平肝有

功 按沉香降氣之要藥然非命門火衰不

宜多用氣虛下陷者切勿沾唇

檀香

味辛溫無毒入肺胃二經辟鬼殺虫開胃進食療噎膈

之吐止心腹之疼

調上焦氣在胸膈咽嗑之間有奇功也 按

癰疽潰後及諸瘡膿多者不宜服

降真香 味辛温無毒 色紅者良 行瘀滯之血如神止金瘡之血至驗理肝傷吐血勝似鬱金理刀傷出血過于花蕊

降香色鮮紅者行血下氣有功若紫黑色者不堪用也兼可辟邪殺鬼燒之辟天行時氣宅舍怪異

蘇合香 味甘温 無毒 甘煖和脾鬱結凝留咸霧釋氛芳徹髓妖邪夢魘盡水消產中天竺國諸香汁合成故名合香凡香氣

皆能辟邪通竅况合衆香而成者乎沈括云

蘇合油如藕膠以筋挑起懸絲不斷者真也乳香 味辛温無毒入心經 鑿上 烘去油同燈心研之則細 定諸經之痛解諸瘡之毒活血舒筋和中治痢

諸瘡痛癢皆屬心火乳香入心內托護心外宜毒氣有奇功也但瘡疽已潰勿服膿多者勿敷

沒藥 味苦平無毒 製法同乳香 宜血氣之滯醫瘡腐之疼可攻目翳堪墮胎兒

醫宗心竇 卷之四

血滯則氣壅故經絡滿急發腫作痛沒藥善
通壅滯則血行而氣暢痛止也 按骨節痛
與胸腹筋痛不由血瘀而因于血虛產後惡
露去多腹中虛痛癰疽已潰法咸禁之
安息香 味辛苦性平無毒入心經 服之而行血下氣燒之而
去鬼來神
手少陰主藏神神昏則鬼邪侵之心主血血
滯則氣不宣快安神行血故主治如上 按
病非關惡氣侵犯者勿用

騏驎竭 味甘鹹平有小毒入心肝二經凡用方
研若同他藥搗則化為飛塵產于外國

難得真者磨之透用
燒灰不變色者佳 走南方兼達東方遂作陰
經之主和新血且推陳血直為止痛之君

乳香沒藥兼主氣血此則專于血分者也善
收瘡口然性急不可多使却能引膿

龍腦香 味辛苦微溫無毒 開通關竅驅逐鬼邪善消風
而化濕使耳聰而目明

芳香為百藥之冠香甚者性必溫熱善于走
竅入骨搜風能引火熱之氣自外而出新汲

水調催生甚捷。按龍腦入骨風病在骨髓者宜也。若風在血脉肌肉，輒用腦麝反引風入骨如油，入麪莫之能出，目不明屬虛者，不宜入點。

金櫻子

味酸澆平無毒入脾腎二經

局鑰元精合閉蟄封藏

之本牢拴倉廩贊傳導變化之權

金櫻子性澆不利于氣，丹溪云：經絡隊道以通暢為和平，味者喜其澆精而服之，致生別證，自不作靖咎將誰執，雖然惟無故而服以

縱慾則不可，若精滑者服之何咎之有。

竹葉

味苦甘寒無毒入心胃二經

清心滌煩熱止嗽化痰涎

竹茹

刮去青皮用第二層

疏氣逆而嘔呃與噎膈皆平

清血熱而吐衄與崩中咸療

竹瀝

薑汁為使痰在

皮裏膜外者直達以宜通，痰在經絡四肢者屈曲而搜剔，失音不語偏宜肢體攣蹇決用。

竹種最多，惟大而味甘者為勝，必生長甫及一年者嫩而有力，竹能損氣，故古人以筍為刮腸，篋竹瀝滑腸，脾虛泄瀉者勿用，惟痰在

皮裏膜外經絡肢節者相宜若寒痰濕痰與食積痰勿用

吳茱萸 味辛熱有小毒入脾胃肝三經 莖實為使 惡丹參滑石白堊畏紫石英開口者 良鹽湯泡 過焙乾 燥腸胃而止久滑之瀉散陰寒而攻心腹之疼祛冷脹為獨得疎肝氣有偏長疝疼脚氣相宜開鬱殺虫至效

辛散燥熱獨入厥陰有功脾胃其旁及者也東垣云濁陰不降厥氣上逆甚而脹滿非茱萸不可治也多用損元氣寇氏曰下氣最速

腸虛人服之愈甚凡病非寒滯者勿用即因寒滯者亦當酌量虛實適事為故也

山茱萸 味酸微溫無毒入肝腎二經 莖實為使 惡桔梗防風防己酒潤去核微火烘乾

補腎助陽事腰膝之病不必慮也閉精縮小便遺洩之證寧足患乎月事多而可以止耳鳴響而還其聰

四時之令春氣暖而生秋氣涼而殺萬物之性喜溫而惡寒人身精氣亦賴溫煖而後充足况腎肝居至陰之位非得溫煖之氣則孤

醫宗必讀 卷之四

陰無以生山茱萸正入二經氣溫而主補味酸而主斂故精氣益而腰膝強也 按強陽不痿小便不利者不宜用

檳榔 味辛溫無毒入胃大腸二經忌見火 降至高之氣似石投水疏後重之急如驥追風瘧疾與痰癖偕收脚氣與殺虫並選

足陽明為水穀之海手陽明為傳道之官二經相為貫輸以運化精微者也二經病則痰癖虫積生焉辛能破滯苦能殺虫故主如上

諸證 按檳榔墜諸氣至于下極氣虛下陷者所當遠避

梔子 味苦寒無毒入肺經炒透 治胸中懊懣而眠卧不寧疏臍下血滯而小便不利清太陰肺輕飄而上達瀉三焦火屈曲而下行

梔子本非吐藥仲景為邪氣在上得吐則邪出所謂高者因而越之也亦非利小便藥蓋肺清則化行而膀胱津液之府奉氣化而出矣 按大苦大寒能損胃伐氣虛者忌之心

醫宗必讀 卷之四

腹痛不因火者尤為大戒世人每用治血不知血寒則凝反為敗證治實火之吐血順氣為先氣行則血自歸經治虛火之吐血養正為先氣壯則自能攝血此治療之大法不可少違者也

蕪荑

味辛平無毒入肺經

除疳積之要品殺諸蟲之神劑

幼科取為要藥然久服多服亦能傷胃

枳殼

味苦微寒無毒入肺大腸二經

破至高之氣除欬逆停痰助傳導之官消水留脹滿

枳實

即枳殼之小者破

積有雷厲風行之勢瀉痰有衝墻倒壁之威解傷寒結胸除心下急痞

枳殼枳實上世未嘗分別自東垣分枳殼治高枳實治下海藏分枳殼主氣枳實主血然究其功用皆利氣也氣利則痰喘止痞脹消食積化人之一身自飛門以至魄門三焦相通一氣而已又何必分上與下氣與血乎但枳實則性急枳殼則性緩為確當耳 按枳殼枳實專主破氣大損真元凡氣弱脾虛以

致停食痞滿法當補中益氣則食自化痞即散若用枳殼枳實是抱薪救火矣脹滿因于實邪者可用若因土虛不能制水肺虛不能行氣而誤用之則禍不旋踵瘦胎飲用枳殼為湖陽公主而設以彼奉養太過形氣肥實故相宜也若一概用之反致氣弱而難產潔古枳朮丸用枳實為積滯者設積滯去則脾胃自健故謂之補非消導之外別有補益也時醫不察虛實不辨補瀉往往概施損人真

元為厲不淺雖以補劑救之亦難挽其刻削之害也世人多蹈此弊故特表以為戒

厚朴 味苦辛大溫無毒入脾胃二經乾薑為使惡澤瀉硝石寒水石忌豆色紫味辛者良

刮去粗皮切 辛能散風邪溫可解寒氣下氣消

痰去實滿而寬膨溫胃和中調胸腹而止痛吐

利交資驚煩共主

溫熱之性長于散結去滿溫胃煖脾故主食停痰滯脹痛吐利等證然但可施于元氣未虛邪氣方盛或客寒犯胃濕氣侵脾若脾虛

之人雖有如上諸證切勿沾唇或一時未見其害而清純冲和之氣潛傷默耗矣可不謹諸

茶葉

味甘苦微寒無毒入心肺二經長威靈仙土茯苓惡樵子消食下痰氣

止渴醒睡眠解炙燻之毒消痔瘻之瘡善利小便頗療頭疼

稟土之清氣兼得春初生發之意故其所主皆以清肅為功然以味甘不澁氣芬如蘭色白如玉者為良茶稟天地至清之氣產于瘠

砂之間專感雲露之滋培不受纖塵之滓穢故能清心滌腸胃為清貴之品管人多言其苦寒不利脾胃及多食發黃消瘦之說此皆語其粗惡苦澁者耳故入藥須擇上品方有利益

猪苓

味甘淡平無毒入腎膀胱二經去皮分消水腫淡滲濕痰

猪苓感楓根之餘氣而成利水諸藥無如此缺按寇宗奭曰冬服猪苓損腎昏目潔古云淡滲燥亡津液無濕證者勿服

醫宗心讀 卷之四

烏藥 味辛温無毒入胃膀胱二經 主膀胱冷氣攻衝療胸腹

積停為痛，天行疫瘴宜投，鬼犯蠱傷莫廢。

辛温芳馥為下氣，温中要藥。按氣虛及血

虛内熱者勿用。

海桐皮 味苦平無毒入脾胃二經 除風濕之害，理腰膝之疼。

可塗疥癬，亦治牙蟲。

按腰膝痛非風濕者不宜用，治癰治牙須與

他藥同行。

大腹皮 味苦微温無毒入脾胃二經 開心腹之氣，逐皮膚之

水

主用與檳榔相倣，但力少。緩耳鳴，烏多集，大

腹樹上宜，以大豆汁多洗，令黑汁去盡，火焙

用。按病涉虛者勿用。

合歡 味甘平無毒入心脾二經 安和五藏，歡樂忘憂。

心為君主之官，土為萬物之母，二藏調和則

五藏自安，神明自暢。稽康養生論云：合歡蠲

忿，正謂此也。一名夜合

五倍子 味苦酸澁平無毒入肺胃二經 欽肺化痰，故止咳嗽有效。

醫宗心讀 卷之四 三

散熱生津故止渴相宜上下之血皆止陰陽之
汗咸瘳瀉痢久而能斷腫毒發而能消糝口瘡
須臾可食洗脫肛頃刻能收染鬚髮之白治目
爛之疴

按五倍子性燥急而專收斂咳嗽由于風寒
者忌之瀉痢非虛脫者忌之咳嗽由于

實者忌之誤服反致壅滿以其收斂太驟火
氣無從泄越耳

天竺黃

味甘寒無毒入心經

祛痰解風熱鎮心安五藏大

人中風不語小兒天吊驚癇

竹之津氣結成與竹瀝功用相倣故清熱養
心豁痰利竅久用亦能寒中產于天竺國

蜜蒙花

味甘平無毒入肝經酒潤焙

養營和血退翳開光大

人皆淚羞明小兒痘疔攻眼

獨入東方為滌熱和營之用故治目之外無
他長也

巴豆

味辛熱有大毒入肺脾胃大小腸五經荒
花為使畏大黃黃連蘆笋菰笋醬豆冷水
惡蕞草反牽牛去心及蕩五藏滌六府幾于煎
膜火焙研細去油用

腸刮胃攻堅積破痰癖直可斬關奪門氣血與
食一攻而殆盡痰蟲及水傾倒而無遺胎兒立
墮疔毒旋抽

生于盛夏之令成于秋金之月故味辛氣溫
得剛猛火烈之用蕩滌一切有形之物按
元素曰巴豆不可輕用鬱滯雖開真陰隨損
以少許着肌膚須臾發泄凡腸胃柔薄之質
無論下後耗損真陰即府藏被其薰灼能無
潰爛之患耶萬不得已亦須炒熟去油入少

許卽止不得多用

蜀椒

味辛性熱有毒入肺脾腎三經杏仁爲使
畏欬冬花防風附子雄黃閉口者害人

溫脾土而擊三焦之冷滯補元陽而蕩六府之
沉寒飲癖氣癥和水腫累建奇功殺蟲止嘔及
腸虛恒收速效通血脉則痿痺消除行肢節則
機關健運椒目善消水腫可塞耳聾

椒稟純陽之氣乃除寒濕散風邪溫脾胃煖

命門之聖藥按命門火衰中氣寒冷者宜

之若陰虛火旺之人在所大忌

胡椒 味辛大熱有毒 入胃大腸二經 下氣溫中消風去痰

忌用與川椒相同畢澄茄即胡椒之大者乃

一類二種亦易僭上

橡斗子 味苦溫無毒 固精頗效止痢稱奇

按新痢起濕熱甚者忌服

木鼈子 味甘溫有毒 散血熱除癰毒止腰痛生肌肉

有毒之品但宜外用勿輕內服 番木鼈形

較小而色白味苦主咽喉痺痛氣血虛腸胃

滑者大戒

水楊葉 味苦平無毒 止久痢而多功浴痘瘡而起發

生于涯溪之旁得水土之氣偏多能散濕熱

故久痢盡之痘瘡頂陷漿滯不行或風寒所

阻者宜水楊枝葉無葉用嫩枝五觔流水一

金煎湯溫浴如冷添湯良久照見纍起有暈

絲者漿行也如不滿再浴之虛者只洗頭面

手足屢浴不起者死初出及痒塌者皆不可

浴若內服助氣血藥其效更速此方有燮理

之妙蓋黃鍾一動而蟄蟲啓戶東風一吹而

堅冰解腹之義也

柞木皮 味苦平 無毒 催生聖藥黃疸奇方

下行利竅故黃疸與產家用之

櫻櫚皮 味苦瀉 平無毒 吐血鼻紅腸毒病十全奇效崩

中帶下赤白痢一七神功

性瀉故止血有功然惟血去已多滑而不止

者宜之若早服恐停瘀為害火炒烟盡存性

甯地上出火毒

川檳皮 味苦平 無毒 止腸風與久痢擦頑癬及蟲瘡

肉厚而色紅者真不宜多服

皂莢 味辛鹹温有小毒入肺肝胃三經 栢子為 使惡麥門冬畏人參苦參刮去粗皮及弦

與子酥 灸用 開竅通關宣壅導滯搜風逐痰辟邪殺

鬼

性極尖利無閉不開無堅不破中風傷寒門

賴為濟急之神丹若類中風由于陰虛者禁

之孕婦亦禁 子去皮水浸軟煮糖漬食之

治大腸虛秘癩惡瘡 刺功用與皂莢同

第其銳利能直達瘡所為癰疽妬乳丁腫未

潰之神藥米醋熬嫩刺塗癰瘡有效癰疽已潰者勿服孕婦亦忌

訶黎勒 味苦温無毒入肺大腸二經蒸去核焙 固腸而洩痢咸安

欽肺而喘嗽俱止利咽喉而通津液下食積而除脹滿

按其主用皆温瀉收斂之功若肺有實熱瀉痢因濕熱氣喘因火冲法咸忌之

棟實 味苦寒有毒入脾肺二經 殺三蟲利小便 根微殺諸

蟲通大腸

大寒極苦止宜于殺蟲若脾胃虛寒者大忌

檮白皮 味苦澁寒有小毒東引者良醃炙之 瀉血止瀉痢殺蟲收

產腸

苦寒之性虛寒者禁用腎家真陰虛者亦忌之以其徒燥耳止入丸用不入湯煎 椿白

皮主用相做力稍遜之

郁李仁 味酸平無毒入脾大腸二經湯浸去皮研如膏 潤達幽門而關

格有轉輸之妙宜通水府而腫脹無壅遏之嗟性專降下善導大腸燥結利周身水氣然下

醫宗必讀 卷之四

後令人津液虧損燥結愈甚乃治標救急之藥津液不足者慎勿輕服

雷丸 味苦寒有小毒入胃經荔實厚朴蓄根芫花為使惡葛根酒蒸殺藏府之

諸蟲除嬰兒之百病

雷丸乃竹之餘氣得霹靂而生故名雷丸殺

蟲之外無他長久服令人陰痿

蘇木 味甘鹹平無毒入心肝脾三經宜表裏之風邪除新舊之

瘀血

蘇木理血與紅花同功少用和血多用即破

血也其治風者所謂治風先治血血行風自

滅也

沒石子 味苦溫無毒入腎經忌銅鐵器用漿水于砂盆中研焙乾再研如烏犀色益

血生精染鬚髮而還少強陰治痿助陽事以生

男溢精止遺淋固腸醫洩痢

稟春生之氣兼金水之性春為發生之令故

有功于種玉金玉收肅之用故有功于止澁

然亦不宜獨用多用也

木瓜 味酸溫無毒入肝經忌鐵去穢筋急者得之即舒筋緩者

醫宗必讀 卷之四

醫宗心讀 卷之四

遇之即利濕痺可以兼攻脚氣惟茲最要

得東方之酸故入厥陰治筋非他藥所能儔

匹轉筋時但念木瓜二字數十聲立效東垣

云氣脫能收氣滯能和故于筋急筋緩兩相

宜耳按孟詵云多食損齒及骨素問所謂

陰之所生本在五味陰之所營傷在五味五

味太過則有增勝之憂也

菓部

蓮子

味甘平無毒入心脾腎三經泡去皮心炒

心腎交而君相之火

邪俱靖腸胃厚而瀉痢之滑脫均收頗用能滋

精多服令人喜

蓮藕

味甘平入心脾二經忌鐵

生用則滌

熱除煩散瘀而還為新血熟用則補中和胃消

食而變化精微

蓮花鬚

味甘澁溫無毒入心腎二經忌地黃葱蒜

清心而諸竅之出血可止固腎而丹田之精氣

無遺鬚髮變黑瀉痢能除

蓮子脾家菓也久服益人石蓮子乃九月經

霜後堅黑如石墮水入泥者今肆中石蓮子

其味大苦產廣中樹上不宜入藥藕性帶

瀉止血有功產家忌生冷惟藕不忌為能去
瘀故也 蓮鬚溫而不熱血家瀉家尊為上
劑 蓮房固精澁腸但不宜多服 葉可助
胃消食蒂治雷頭風取其有震仰盂之象類
從之義也

橘皮 味辛溫無毒入肺脾二經廣中者最佳福
建者力薄浙產便惡劣矣陳久愈佳去蒂
及浮膜 止嗽定嘔頗有中和之妙清痰理氣却
無峻烈之嫌晉白者補胃偏宜去白者疏通端
掌

苦能泄氣又能燥濕辛能散氣溫能和氣同
補藥則補同瀉藥則瀉同升藥則升同降藥
則降夫脾乃元氣之母肺乃攝氣之籥故獨
入二經氣雖中和然單服久服亦損真元橘
皮下氣消痰橘肉生痰聚氣一物也而相反
如此

青皮 即橘之小 破滯氣愈佐愈效削堅積愈下
愈良引諸藥至厥陰之分下飲食入太陰之倉
青皮兼能發汗性頗猛銳不宜多用如人年

少壯未免躁暴及長大而為橘皮如人至老年烈性漸減經久而為陳皮則多歷寒暑而躁氣全消也核主膀胱疝氣一味為末酒服五錢葉主肺癰乳癰絞汁飲之

香櫟 味苦溫無毒入肺脾二 理上焦之氣止嘔

宜求進中州之食健脾胃宜簡

性雖中和單用多用亦損正氣脾虛者須與參朮並行乃有相成之益耳

大棗 味甘平無毒入脾 調和脾胃具生津止瀉

之功潤養肺經操助脈強神之用

經言棗為脾菓脾病宜食之又曰脾病人毋多食甘母乃相戾耶不知言宜食者指不足之脾也如脾虛泄瀉之類毋多食者指有餘之脾也如中滿腫脹之類凡用藥者能隨其虛實而變通之雖尋常品味必獲神功苟執而泥之雖有良劑莫展其長故學者以格致為亟也

按棗雖補中然味過于甘中滿者忌之小兒疳病及齒痛痰熱之人俱不宜食

醫宗必讀 卷之四

生者尤為不利紅棗功用相做差不及耳

芡實 味甘平無毒入脾腎二經 補腎固精而遺濁有賴益脾

養氣而泄瀉無虞

稟水土之氣以生獨于脾腎得力小兒不宜

多食者以其難消也

烏梅 味酸平無毒入肺脾二經 定嗽定渴皆由欬肺之動止

血止利盡是固腸之力清音去痰涎安虵理煩

熱蝕惡肉而至速消酒毒以清神 白梅 即霜梅也

牙關緊閉擦齦涎出便能開刀箭傷膚研爛傳

之血即止

烏梅白梅皆以酸收為功疽愈後有肉突起

烏梅燒傳一日減半兩白而平真奇方也夫

梅生于春曲直作酸病有當發散者大忌酸

收悞食必為害若過食而齒齲者嚼胡桃肉

解之

柿 味甘寒無毒入肺脾二經 潤肺止咳嗽清胃理焦煩 乾

柿能厚腸而止洩主反胃與下血 柿霜清心

而退熱生津潤肺而化痰止咳

醫宗心竝 卷之四

三者主用大同小異總之肅清上焦火邪兼
有益脾之功也有入三世苑于反胃至孫得
一方用柿餅同乾飯食之絕不用水亦勿以
他藥雜之旬白而愈 按柿性頗寒肺經無
火及風寒作嗽者冷痢滑洩者忌之不宜與
蟹同食令人腹痛作瀉
勃臍味甘寒無毒益氣而消食除熱以生津腹滿瀉
用下血宜嘗
同胡桃食能化銅物為烏有一味為未能辟

蠱毒 按孟詵云有冷氣人勿食多食令人
患脚氣孕婦忌之

枇杷葉 味苦平無毒入肺胃二經刷去背上一毛
治胃病薑汁塗灸治肺病蜜水塗灸
走陽明則止嘔下氣入太陰則定欬消痰

長于降氣氣降則火清痰順但去毛不淨射
入肺中作欬難療 按胃寒嘔吐及風寒咳
嗽者忌之

甘蔗 味甘平無毒入肺胃二經和中而下逆氣助脾而利大
腸

稟地之冲氣故味甘性平甘為稼穡之化故和中助脾亦能除熱止渴治噎膈解酒毒按世人誤以蔗為性熱不知其甘寒瀉火王摩詰詩云飽食不須愁內熱大官還有蔗漿寒蓋詳于本草者耶惟胃寒嘔吐中滿滑瀉者忌之

白沙糖 味甘寒無毒入脾經生津解渴除咳消痰

中滿者禁用

紅沙糖 味甘寒無毒功用與白者相倣和血乃紅者

獨長 紅白二種皆蔗汁煎成

多食能損齒生蟲作湯下小兒在散者誤矣

桃仁 味苦甘平無毒入肝大腸二經香附為使泡去皮尖炒勿用雙仁者破諸經

之血瘀潤大腸之血燥肌有血凝而燥癢堪除熱入血室而謔言可止

苦重于甘氣薄味厚沉而下降為陰中之陽苦以推陳甘以生新故血疾恒需之桃為五木之精故能辟邪殺鬼亦可殺蟲 桃梟是桃實 在樹經冬不落者正月採之 主辟邪祛

巢 按桃仁破血血瘀者相宜若用之不當
大傷陰氣

杏仁

味苦甘溫有毒入肺大腸二經惡黃芩黃
耆葛根畏藜蘆草泡去皮尖燉雙仁者勿用

散上焦之風除心下之熱利胸中氣逆而喘嗽
潤大腸氣閉而難通解錫毒有效滑狗肉如神

杏仁性溫散肺經風寒滯氣殊效 按陰虛

咳嗽者忌之雙仁者能殺人有毒蓋指此耳

梨

味甘酸寒無毒
入心肝脾三經外宣風氣內滌狂煩消痰有

靈醒酒最驗

人知其清火消痰不知其散風之妙生之可

清六府之熱熱之可滋五藏之陰 按丹溪

云梨者利也流利下行之謂也脾虛泄瀉者

禁之

橄欖

味酸澁甘平
無毒入胃經清咽喉而止渴厚腸胃而止

瀉酒稱奇解毒更異

跡其主用約與訶黎勒相同誤中河豚毒惟

橄欖者汁服之必解諸魚骨鯁嚼橄欖汁嚥

之如無橄欖卽以核研末急流水調服亦效

胡桃 味甘平無毒 入肺腎二經 佐補骨而治痿強陰兼胡粉而拔白變黑久服潤腸胃恒用悅肌膚

三焦者元氣之別使命門者三焦之本原蓋一原一委也命門指所居之府而名乃藏精係胞之物三焦指分治之部而名乃出納熟腐之司一以體名一以用名在兩腎之間上通心肺為生命之原相火之主靈樞已詳言而扁鵲不知原委體用之分以右腎為命門以三焦為有名無狀承訛至今莫之能正也

胡桃仁頗類其狀而外之皮汁皆黑故入北方通命門命門既通則三焦利故上通于肺耳一幼兒痰喘五白不乳其母夢觀音授方令服人參胡桃湯數口喘即定明日去胡桃衣喘復作仍連皮服遂愈蓋皮有斂肺之功也但用一味空腹時連皮食之最能固精按肺有痰熱命門火熾者勿服

龍眼 味甘平無毒 入心脾二經 補心虛而長智悅胃氣以培脾除健忘與怔忡能安神而熟寐

不熱不寒和平可貴別名益智者為其助心
生智也歸脾湯用為向導者五味入口甘先
歸脾也道家用龍眼肉細嚼千餘待滿口津
生和津汨汨而嚥此即服玉泉之法也

山查

味酸平無毒入脾胃二經去核

消肉食之積行乳食之停

疝氣為殃茴香佐之而取效兒枕作痛沙糖調
服以成功發小兒痘癩理下血腸風

善去腥羶油膩之積與麦芽之消穀積者不
同也核主催生疝氣按胃中無積及脾虛

惡食者忌服

榧子

味甘平無毒入肺經及菜豆

殺百種之蟲手到而痊療

五般之痔頻嘗則愈消穀食而治咳助筋骨而
壯陽

東坡詩云驅除三彭蟲已我心腹疾指其殺
蟲也不問何蟲但空腹食榧子二十枚七
日而蟲下輕者兩日即下矣按丹溪云榧

子肺家菓也多食則引火入肺大腸受傷

石榴皮

味酸溫無毒入肝脾腎三經

瀉痢久而腸虛崩帶多

而欲脫水煎服而下，既汁點目而止淚。
按樞味酸澁故入斷下崩中之劑。若服之太
早反為害也。

穀部

胡麻 味甘平無毒入肝脾腎三經。養血潤腸燥
結焦煩誠易退補中益氣風溼癱瘓豈難除堅
筋骨明耳目輕身不老長肌膚填髓腦辟穀延
年。
補陰是其本職又去風者所謂治風先治血

血行風自滅也。李廷飛云風病人久服步履
端正語言不寒神農收為上品仙經載其功
能洵奇物也。但服之令人腸滑得白朮並行
為勝。

麻仁 味甘平無毒入脾胃二經。畏牡蠣白薇茯
苓。須包置沸湯中至冷取出懸井中一夜
勿着水曝乾新。潤五藏通大腸宣風利關節催
生療產難。

劉完素曰麻仁木穀也而治風同氣相求也。
陳士良云多食損血脉滑精氣痿陽事婦人

醫宗金鑑
卷之四

多食即發帶疾以其滑利下行走而不守也
麻油味甘微寒無毒熟者利大腸下胞衣生者摩瘡腫
生禿髮

生者過食能發冷利脾虛作瀉者忌之熬熟
不可經宿經宿即助熱動氣也

飴糖味甘溫無毒入脾經止嗽化痰千金方每嘉神效脾

虛腹痛建中湯累奏奇功瘀血熬焦和酒服腸
鳴須用水煎嘗

按飴糖雖能補脾潤肺然過用之反能動火

生痰凡中滿吐逆酒病牙疳戒忌之腎病尤
不可服

黑豆味甘平無毒入腎經活血散風除熱解毒能消水腫

可稀痘瘡

嬰兒十歲以下者炒豆與猪肉同食壅氣致
死十有八九凡服葶麻子忌炒豆犯之脹死
服厚朴者亦忌之最能動氣故也

赤小豆味甘酸平無毒入心小腸二經利水去蠱一味磨吞決

效散血排膿研來醋傅神良止渴行津液清氣

滌煩蒸通乳汁下胞衣產科要矣除痢疾止嘔吐脾胃宜之

赤豆心之穀也其性下行入陰分通小腸治有形之病消痕散腫雖潰爛幾絕者為末傅之無不立效按久服赤豆令人枯燥肌瘦身重以其行降令太過也

菘豆味甘寒入肝經反解熱毒而止渴去浮風而潤膚利小便以治脹厚腸胃以和脾菘豆屬木通于厥陰解毒之功過于赤豆但

功在綠皮若去殼即墜氣矣按胃寒者不宜食

菹豆味甘溫無毒入脾經去皮炒補脾胃而止吐瀉療霍亂而清濕熱解諸毒大良治帶下頗驗

色黃味甘得乎中和脾之穀也能化清降濁故有消暑之用皮如栗色者不可入藥按傷寒邪熾者禁用

淡豆豉味甘苦寒無毒入肺脾二經解肌發汗頭疼與寒熱全除下氣清煩滿悶與溫疫並妙疫氣瘴氣皆

可用也痢疾瘧疾無不宜之

豆經蒸罍能升能散得葱則發汗得鹽則止
吐得酒則治風得薤則治痢得蒜則止血炒
熟又能止汗亦要藥也造豉法黑豆一斗六
月間水浸一宿蒸熟攤蘆蓆上微溫蒿覆五
六日後黃衣遍滿為度不可大過取晒簸淨
水拌得中築實甕中桑葉蓋厚三寸泥固取
出晒半日又入甕如是七次再蒸曝乾按
傷寒直中三陰與傳入陰經者勿用熱結胸

煩悶宜下不宜汗亦忌之

麥蘖 味甘鹹溫無毒入胃 熟腐五穀消導而無

停運行三焦宣通而不滯療腹鳴與痰飲亦催
生而墮胎

古人惟取穞麥為芽今人多用大麥者非也

以穀消穀有類從之義無推蕩之峻胃虛停
穀食者宜之然有積化積無積消腎氣墮胎

神麴 味甘辛溫無毒入胃經 健脾消穀食停腹

痛無虞下氣行痰泄痢胃翻有藉

五月五日或六月六日以白麵百觔青蒿蒼耳野蓼各取自然汁六大碗赤小豆杏仁泥各三升以配白虎青龍朱雀玄武勾陳騰蛇用諸汁和麵豆杏仁布包作餅楮葉包晉如造醬黃法待生黃衣曝乾收之按脾陰虛胃火盛者勿用能損胎孕

穀芽 味甘苦 溫無毒 消食與麥芽同等溫中乃穀蘖偏長

味甘氣和具生化之性故為消食健脾胃開胃

和中之要藥

酒 味苦甘辛熱有毒 入肺胃二經 通血脉而破結厚腸胃而潤

肌宣心氣以忘憂助膽經以發怒善行藥勢可

禦風寒

少飲則和血行氣壯神消愁過飲則損胃耗血生痰動火故夫沉湎無度醉以為常者輕則致疾重則亡身此大禹所以疎儀狄周公所以著酒誥也 燒酒散寒破結損人尤甚

醋 味酸溫無毒 入肝經 澆紅炭而聞氣產婦房中常起死

塗癰疽而外治瘡科方內屢回生消心腹之疼
癥積盡破殺魚肉之毒日用恒宜

藏器曰多食損筋骨損胃損顏色

罌粟殼 味酸澁溫無毒入腎經水 洗去蒂去頂去穢醋炒透 止瀉痢而收

股肛瀉精氣而固遺泄劫虛癆之嗽攝小便之
多

酸收太緊冷入嘔逆且堯積滯反成痼疾若
醋製而與參朮同行可無妨食之害 按風
寒作嗽瀉痢新起者勿用

菜部

瓜蒂 味苦寒有小毒入胃經 理上脘之疴或水停或食積

總堪平治去胸中之邪或痞鞭或懊憹咸致安
寧水泛皮中得吐而痊濕家頭痛噉鼻而愈

極苦而性上湧能去上焦之病高者因而越
之是也 按瓜蒂最能損胃傷血耗氣奪神

上部無實邪者切勿輕投

白芥子 味辛熱無毒入肺經 解肌發汗利氣疏痰溫中而

冷滯冰消辟邪而祟魔遠遣酒服而反胃宜痊

醋塗而癰毒可散

痰在勝下及皮裏膜外者非白芥子不能達煎湯不可太熟硬減力量按肺經有熱陰虛火亢者勿服莖葉動風動氣有瘡瘍痔疾便血者俱忌

萊菔子

味辛温無毒

下氣定喘消食除膨生研堪吐風痰醋調能消腫毒

丹溪云萊菔子治痰有推墻倒壁之功表其性烈也按虛弱人服之氣淺難布息

乾薑

味辛熱無毒入肺脾二經

破血消痰腹痛胃翻均可服温中下氣癥瘕積脹悉皆除開胃扶脾消食去滯生行則發汗有靈炮黑則止血頗驗

乾薑本辛炮之則苦守而不移非若附子行而不止也其止血者蓋血虛則熱熱則妄行炒黑則能引補血藥入陰分血得補則陰生熱退且黑為水色故血不妄行也然血寒者可多用血熱者不過用三四分為向導而已按薑味大辛辛能僭上亦能散氣走血久

服損陰傷目凡陰虛有熱者勿服

生薑 味辛熱無毒入肺胃二經要熱去皮要冷薑皮生能發表熱可溫

中開胃有奇功止嘔為聖劑氣脹腹疼俱妙痰

凝血滯皆良刮下薑皮脹家必用

凡中風中暑中氣中毒中惡霍亂一切卒暴

之證用薑汁和童便服之薑汁能開痰童便

能降火也古方以薑茶治痢熱痢留皮冷痢

去皮大效 忌服同乾薑

葱白 味辛平入肺胃二經忌棗蜜犬雉肉通中發汗頭疼風濕總

蠲除利便開關脚氣奔豚通解散跌打金瘡出血砂糖研傅氣停蟲積為殃鉛粉丸吞專攻喉痺亦可安胎

葱味最辛肺之藥也故解散之用居多 按

多食葱令人神昏髮落虛氣上衝

大蒜 味辛溫有毒入脾腎二經忌蜜 消穀化食辟鬼驅邪破痰

癖多功灸惡瘡必效搗貼胸前痞格資外攻之

益研塗足底火熱有下引之奇

大蒜用最多功至捷外塗皮肉發疱作疼則

其入腸胃而搜刮槩可見矣 按性熱氣臭 凡虛弱有熱之人切勿沾唇即宜用者亦勿 過用生痰動火損目耗血謹之

韭 味辛温 無毒 固精氣 煖腰膝 強腎之功也 止瀉痢 散逆冷 温脾之力 歟消一切瘀血 療喉間噎氣 韭子固精生精助陽止帶

古方用韭專治闕血 蓋酸入肝辛能散温能 下也多食神昏目暗

金石部

金箔

味辛平 有毒

安鎮靈臺 神魂免于飄蕩 辟除惡

崇藏府搜其伏邪

稟西方之質為五金之主最能制木故中風 驚癇皆需之 銀箔功用相倣 按金有大毒 磨屑頓服不過二三錢而斃豈宜多服乎催生 者用之

自然銅

味辛平 無毒

續筋接骨折傷者依然復舊消

癰破滯疼痛者條爾消除

按自然銅雖有神用頗能損人不可過用

銅青 味辛酸 無毒 女科理血氣之痛眼科主風熱之
疹內科吐風痰之聚外科止金瘡之血殺蟲有
效疳證亦宜

色青入肝專主東方之證然服之損血

黃丹 味辛寒 無毒 止痛生肌宜于外傳鎮心安魄可

作丸吞墜痰殺蟲截瘧止痢

按黃丹乃炒鉛所作味性沉陰過服損陽氣

蜜陀僧 味辛平有小毒 色如金者良 鎮心主滅癩點五痔金

瘡同借重瘡家痢證共尋求

卽煎銀爐底感銀鉛之氣而成其性重墜故

鎮心下痰須水飛用食之令人寒中

紫石英 味甘溫無毒畏扁豆附子 惡黃連火煨醮滓水飛 上通君主鎮

方寸之靡寧下達將軍助胎官而有孕

紫石英南方之色故功在血分火熱者忌之

硃砂 味甘寒有毒入心經惡磁石畏鹹水忌一切血水飛 鎮心而定癲狂

辟邪而殺鬼祟解胎熱痘毒療目痛牙疼

色赤應離為心經主藥獨用多用令人瘵悶

水銀卽硃砂之液殺蟲蟲有功下死胎必用

滲入肉內使人筋攣若近男陽陽痿無氣惟以赤金保患處水銀自出楊梅瘡服輕粉毒潛骨髓毒發殺人輕粉主殺蟲生肌

雄黃 味苦平有毒 研細水飛 楊梅疔毒疥癬痔瘍遵法搽

敷力不小血瘀風溼鬼干屍症依方製服效偏奇化痰涎之積塗蛇虺之傷

獨入厥陰為諸瘡殺毒之藥亦能化血為水

石膏 味辛寒無毒入肺胃二經 雞子為使惡莽草巴豆畏鐵 營衛傷于風

寒青龍收佐使之勳相傳囚于火熱白虎定為

君之劑頭疼齒痛肌膚熱入胃而搜逐消渴陽狂逆氣起入肺以驅除

氣味俱薄體重而沉少壯火熱之人功如反掌老弱虛寒之人稱不旋踵東垣云立夏前服白虎湯令人小便不禁降令太過也極能寒胃使人腸滑不能食非有大熱者切勿輕

挽

滑石 味甘淡寒無毒 入胃膀胱二經 利小便行積滯宣九竅之

閉通六府之結

滑石利竅不獨小便也上能利毛竅下能利精竅蓋甘淡先入胃家上輸于肺下通膀胱肺主皮毛為水上源膀胱司津液氣化則能出故上則發表下則利水為蕩熱燥濕之劑按多服使人精滑脾虛下陷者禁之

赤石脂 味酸辛大溫無毒入心胃大腸三經畏羌花惡大黃松脂煨水飛 主生

肌長肉可理癰瘍療崩漏脫肛能除腸澼

石脂固澁新痢家忌用

爐甘石 味甘溫煨水飛 散風熱而腫消祛痰氣而翳退

金銀之氣所結為眼科要藥

鍾乳石 味甘熱有毒蛇床為使惡牡丹牡蒙畏紫石英忌羊血反人參白朮入銀器煮

永滅即添煮三日夜色變黃白換水再煮色清不變毒去盡矣水飛過再研半日 益精

壯陽下焦之虛弱堪珍止嗽解渴上部之虛傷

宜寶

其氣慄悍念陽氣暴充飲食倍進昧者得此肆淫則精竭火炎發為癰疽淋濁豈鍾乳之罪耶大抵命門火衰者相宜不爾便有害矣

海石 味鹹平無毒入肺經 清金降火止濁治淋積塊老痰

逢便化瘦痛結核遇旋消

海石乃水沫結成體質輕飄肺之象也氣味

鹹寒潤下之用也故治證如上按多服損

人氣血

陽起石

味鹹溫無毒入腎經螻蛄為使惡澤瀉桂雷丸蛇蛻畏兔絲子忌羊血火煨酒

滓七次水飛

固精而壯元陽益氣而止崩帶

此石產處冬不積雪其熱可知雲頭兩脚鶯

鶯毛輕鬆如狼牙者佳非命門火衰者勿用

磁石

味辛溫無毒入腎經柴胡為使惡牡丹皮莽草畏石脂火煨醋淬水飛

治腎

虛之恐性鎮心藏之怔忡

鎮心益腎故磁硃丸用之可暫用不可久也

青礞石

味鹹平入肝經火煨水飛

化頑痰癖結行食積停留

痰見青礞即化為水脾虛者大忌

花蕊石

味酸平無毒火煨水飛

止吐衄如神消瘀血為水

血見花蕊石即化為水過用損血不可不謹

食鹽

味鹹寒無毒入腎經

擦齒而止痛洗目而去風二便

閉結納導隨通心腹煩疼服吐即愈治疔與辟

邪有益痰停與霍亂無妨

潤下作鹹鹹走腎喘嗽水脹消渴大忌食鹽
或引痰生或凝血脉或助水邪多食損顏色
傷筋力故西北人不耐鹹少病多壽東南人
嗜鹹少壽多病 青鹽功用相同入肝散風
朴硝 味辛鹹酸寒無毒 破血攻痰消食解熱法
製玄明粉功緩力稍輕明目清躁推陳致新
朴硝在下最粗而濁苦硝在上其質稍清玄
明粉再經煎煉尤為清粹方士濫誇玄明粉
却病永年不根之說也若施之于有虛無火

之人及陰毒沉寒之證殺人慘于刀劍矣

蓬砂 味苦辛寒無毒入肺經 退障除昏開努肉消痰止咳

且生津癥瘕噎膈俱瘥衄家骨硬通宜

性能柔五金則消尅可知但療有餘難醫不
足虛癆證中非所宜也

硫黃 味酸大熱有毒入心腎二經畏細辛朴硝鐵醋用萊菔剉空入硫合定燥火煨熟紫背浮萍同煮皂角湯淘去黑漿 壯陽堅筋骨陰氣全消殺蟲燥

寒濕瘡疔盡掃老年風秘君半夏而立通泄痢
虛寒佐蠟礬而速止艾湯投一七陰毒回春温

酒送三九沉寒再造

秉純陽之精能補君火可救顛危烏鬚黑髮
真可引年然須製煉得宜淫房斷絕者能之
一有不當貽禍匪輕

白礬 味酸澁寒無毒入肺脾二經甘草為使惡牡蠣麻黃 消痰止利滌熱

祛風收脫肛陰挺理疥癬濕淫

礬之用有四吐風熱痰涎取其酸苦涌洩也
諸血脫肛陰挺瘡瘍取其酸澁而收也治風
痰泄痢崩帶取其收而燥濕也喉痺癰疽蛇

傷蠱毒取其解毒也多服傷骨損心肺

土部

伏龍肝 味辛溫無毒 女人崩中帶下丈夫尿血遺精

即竈心黃土去濕有專長

墨 味辛溫無毒燒紅研細 止血以苦酒送下消癰用猪膽

調塗

黑者北方之色血者南方之色止血者火見
水而伏也內有鹿角膠非煨紅不可用

百草霜 辛溫無毒 清咽治痢解熱定血

醫宗必讀 卷之四
黑奴丸用以療陽毒發狂亦從治之義也

人部

髮味苦溫無毒入心肝腎三經去瘀血補真陰父髮與鷄子同煎免嬰兒驚悸已髮與川椒共煨令本體烏頭吐血衄紅取效腸風崩帶宜求

髮者血之餘也故于血證多功入確中鹽泥

固濟煨存性

牙齒味鹹熱有毒入腎經火煨水飛痘瘡倒靨麝加少許酒調吞癰乳難穿酥拌貼之旋發潰內托陰疽不起

外敷惡漏多膿

齒者骨之餘也得陽剛之性痘家劫劑也若伏毒在心昏冒不省及氣虛白癢蒸沸紫泡之證止宜補虛解毒誤用牙齒反成不治

乳味甘平無毒入心肝脾三經大補真陰最清煩熱補虛勞

潤噎膈大方之玉液也祛膜赤止淚流眼證之

金漿耶

乳乃血化生于脾胃攝于衝任未受孕則下為月水既受孕則留而養胎產後則變赤為

白上為乳汁此造化玄微之妙却病延年之藥也 按虛寒滑泄之人禁服乳與食同進即成積滯發瀉

津唾 甘平無毒辟邪魔而消腫毒明眼目而悅肌膚 津乃精氣所化五更未語之唾塗臃腫輒消拭自去障咽入丹田則固精而制火修養家嚙津謂之消水灌靈根人能終日不唾收視返聽則精氣常凝容顏不槁若頻唾則損精神成肺病仙家以千口水成活字嚙津誠不死

之方歟

紅鉛 味鹹熱無毒入心肝脾腎四經坎宮一點無端墮落塵寰

水裏真金有法收來接命

蕭子真云一等旁門性好淫強陽復去採他陰口含天癸稱為藥似恁如沮枉用心此言金丹大道惟虛極靜篤採先天祖氣而已且不着于四大安可求于渣質哉若夫却病延年未有過于紅鉛者也女子二七天癸至任脉通太衝脉盛月事以時下謂之天癸乃天

一所生之水古人用之療金瘡箭毒并女勞復皆崇其養陰之力也童女首經尤為神品女子自受胎以及長成筭積五千四百之期即于是日經至更為難得回垂絕之陽有奪命之權若三日出馬之時採藥接命即楞嚴經所載精仙是也絕非交媾亦非口服故成仙道按服紅鉛而熱者惟童便乳汁可以解之

人弱味鹹寒無毒入肺胃膀胱三經清天行狂亂解癆弱蒸煩

行血而不傷于峻止血而無患其凝吐衄產家稱要藥損傷跌撲是仙方

經云飲入于胃游溢精氣上輸于脾脾氣散精上歸于肺通調水道下輸膀胱服小便入胃仍循舊路而出故降火甚速然須熱飲真氣尚存其行更速鍊成秋石真元之氣漸失不逮童便多矣按童使性寒若陽虛無火食不消腸不實者忌之人中白主治與瀉相同兼治口舌瘡

金汁即人中黃也味苦寒無毒止陽毒發狂清痘瘡血熱解

百毒有效傳疔腫無虞

按傷寒非陽明實熱痘瘡非紫黑乾枯均禁

人胞味甘鹹溫無毒入心腎二經米泔洗淨童便浸揉色白為度入鉛瓶中封固重湯煮

三時待補心除驚悸滋腎理虛癆

崔氏云胎衣宜藏吉方若為虫獸所食令兒

多病此亦銅山西崩洛鍾東應之理蒸煮而

食不顧損人長厚者弗忍聞也

天靈蓋味鹹平無毒白湯煎液吞嘗傳屍滅影紅絹

包藏巔頂瘡鬼潛踪

神農未嘗收載後世每每用之嗟乎獸相食且人惡之而人相食慘惡極矣必不得已或取年深絕屍氣者然亦不可食或包用或煎湯用畢送還原處報之以經懺庶其可也

獸部

龍骨味壯平無毒入心肝腎三經忌魚及鐵器畏石膏火煅水飛酒煮曝澁精而

遺洩能收固腸而崩淋可止縮小便而止自汗

生肌肉而收脫肛

龍在東方之神故其骨多主肝病腎主骨故

又益腎也許叔微云肝藏魂能變化魂飛不定者治之以龍齒按龍骨收斂太過非次病虛脫者切勿妄投

麝香 味辛温無毒忌大蒜微研 開竅通經穿筋透骨治驚癇而理客忤殺虫蠱而去風痰辟邪殺鬼催生墮胎蝕潰瘡之膿消瓜菓之積

走竄飛揚內透骨髓外徹皮毛東垣云搜骨髓之風風在肌肉者候用之反引風入骨丹溪云五藏之風忌用麝香以瀉衛氣故證屬

虛者槩勿施用必不得已亦宜少用癆怯人及孕婦不宜佩帶

黃牛肉 味甘温無毒入脾經 補脾開胃益氣調中牛乳有潤腸之美牛喉有去噎之功

牛為稼穡之資不輕屠殺市中所貨非老病即自歿者也食之損入丹溪倒倉論曰脾為倉廩倒倉者推陳致新也停痰積血發為癰瘰癆瘵蠱脹膈噎非丸散所能治用肥嫩牡黃牛肉二十觔長流水煮糜濾滓取液熬成

琥珀色每飲數大碗寒月温而飲之緩飲則下急飲則吐時緩時急且吐且下吐下後口渴即服自己小便亦能蕩滌餘垢睡二日乃食粥調養半月沉疴悉去須五年忌牛肉

牛黃 味苦甘平無毒入心肝二經人參為使惡龍骨龍膽地黃常山蜚蠊畏牛膝乾漆

清心主之煩熱狂邪鬼俱消攝肝藏之魂驚癇

健忘同療利痰氣而無滯入筋骨以搜風
東垣云牛黃入肝治筋中風入藏者用以入骨追風若中府中經者誤用之反引風入骨

如油入麵莫之能出

阿膠 味醜平無毒入肺肝二經山藥為使畏大黃拌蛤粉炒 止血今兼能去瘀疎風也又且補虛西歸金府化痰止咳除癱痿東走肝垣強筋養血理風滯安胎始終並用治痢新久皆宜

阿井乃濟水之眼內經以濟水為天地之肝故入肝治血證風證如神烏驪皮合北方水色以制熱生風也真者光明脆徹歷夏不柔偽者反能滯痰不可不辨 按胃弱作嘔吐

本草綱目 卷之四 五

脾虛食不消者均忌

熊膽味苦寒無毒殺虫治五疳止痢除黃疸去目障

至效塗痔瘻如神

實熱之證用之咸宜苟涉虛家便當嚴戒

象皮味鹹溫無毒合金瘡之要藥長肌肉之神丹

以鈎刺插入皮中頃刻瘡收故主用如上

鹿茸味甘鹹溫無毒入腎經形如茄子色如瑪瑙紅玉者良焙去毛酥炙健骨而生齒強志而益氣去肢體酸疼除腰脊軟痛虛

癆聖劑崩漏神丹

角月生兩月即成角矣補腎生精髓

強骨壯腰膝止崩中與吐血除腹痛而安胎

肉其補中強五藏通脉益氣力

鹿乃仙獸稟純陽之質含生發之氣其性極

滌一牡常御百牝腎氣有餘足于精者也故

主用最多專以壯陽道補精髓為功茸較佳

于角肉有益于脾按上焦有痰熱胃家有

火吐血屬陰衰火盛者俱忌生角消腫毒逐惡血不及腸之

也宏鹿山獸屬陽夏至解角陰生陽退之象

也麋澤獸屬陰冬至解角陽生陰退之象也

主用相懸不可不辨

羊肉 味甘温無毒入脾腎二經及半夏菖蒲忌醋 補中益氣安心止

驚宣通風氣起發毒瘡角堪明目殺虫肝能清

眼去翳腎可助陽除翻胃 羊腹中者

東垣云補可去弱人參羊肉之類是已凡形

氣痿弱虛羸不足者宜之羊血主產後血暈

悶絕生飲一杯即活中砒礪鍾乳礬石丹砂

之毒者生飲即解 按羊食毒草凡醫家及

痼疾者食之即發宜忌之

狗肉 味鹹温無毒入脾腎二經及高陸畏杏仁惡蒜 煖腰膝而壯陽道

厚腸胃而益氣力狗寶 結成狗腹中者 專攻翻胃善理

疔疽

屬土性温故能煖脾脾煖則腎亦旺矣黃犬

益脾黑犬補腎他色者不宜用也內外兩腎

俱助陽事尿中粟米起痘治噎 按氣壯多

火陽事易舉者忌之妊婦食之令子無聲熱

病後食之殺人道家以犬為地厭忌食

虎骨 味辛温無毒入脾腎二經及高陸畏杏仁惡蒜 壯筋骨而痿軟可起搜毒

風而寧痛堪除

虎者西方之獸通于金氣風從虎虎肅而風生故骨可以入骨而搜風虎膽主翻胃有功虎爪主辟邪殺鬼

犀角

味苦酸鹹寒無毒入心胃肝三經升麻為使惡烏頭身啄忌鹽解煩熱而

心寧驚悸狂邪都掃散風毒而肝清目昏痰壅借消吐衄崩淋投之輒止癰疽發背用以消除鮮毒高于甘草祛邪過于牛黃

犀角雖有徹上徹下之功不過散邪清熱涼

血解毒而已

按大寒之性非大熱者不敢

輕服妊婦多服能消胎氣

羚羊角

味鹹寒無毒入肝經直達東方理熱毒而昏目無

虞專趣血海散悶結而真陰有賴清心明目辟邪定驚濕風痢血宜加用瘰癧癰疽不可無

肝虛而熱者宜之外有二十四節挂痕肉有天生木胎此角有神力抵于牛入藥不可單用須不折元對銼細避風搗篩更研萬匝如飛塵免刮人腸按獨入厥陰能伐生生之

氣

懶肝 味甘溫有毒 入肝腎二經 鬼疰傳屍慘滅門水吞殊效 疫毒蠱災常遍戶末服奇靈

葛洪云屍疰鬼疰使人寒熱沉沉默默不知病之所苦而無處不惡積月累年殮殍至死死後傳人乃至滅門惟用懶肝陰乾為末水服二錢每日三服以瘥為度其爪亦能搜逐 傍虫

膈肭臍 味鹹熱無毒 入腎經 酒洗多 陰痰精寒瞬息起經年

之恙鬼交屍疰纖微消沉頓之疴

一名海狗腎兩重薄皮裹丸核皮上有肉黃毛三莖共一穴濕潤常如新置睡犬旁驚狂跳躍者真也固精壯陽是其本功鬼交屍疰蓋陽虛而陰邪侵之陽旺則陰邪自辟耳 按陽事易舉骨蒸癆嗽之人忌用

猪脊髓 味甘平 無毒 補虛癆之脊痛益骨髓以除蒸 心血共硃砂補心而治驚癇猪肺同薏苡保肺 而蠲咳嗽膈本益脾可止瀉而亦可化癥腎仍

歸腎能引導而不能補益

猪水畜也在時屬亥在卦屬坎其肉性寒能生濕痰易招風熱四蹄治杖瘡下乳汁洗潰瘍膽主傷寒燥熱頭肉生風發痰脰潤腸去垢腦換男子陽道血能敗血肝大損入腸動冷氣舌能損心按猪性陰寒陽事弱者勿食

禽部

鴨味甘鹹平無毒入肺腎二經流行水府滋陰氣以除蒸爛

達金宮化虛痰而止咳

類有數種惟毛白而鳥嘴鳳頭者為虛癆聖藥白屬西金黑歸北水故葛可久治癆有白鳳膏也

鳥骨雞味甘鹹平無毒入肺腎二經祛辟妖邪安五藏善通小便理煩蒸產中亟取崩帶多來

雞為陽禽屬木應風在卦為巽其色有丹白黃烏之異總不如白毛烏骨翠耳金胸為最上乘也雞冠血發痘瘡通乳難塗口喎肝可

起陰治小兒疳積目昏鷄屎白惟雄鷄利小便有白便治鼓脹鷄子清煩熱止欬逆邪殼主傷寒癆復研傳下疳卵中白皮主久欬氣結肺內黃皮名鷄裏金去煩熱通大小腸

淘鵝油

味鹹溫無毒

理痺痛癰疽可穿筋透骨

取其脂熬化就以其嚙盛之則不滲漏雖金銀磁王之器盛之無不透漏者此可見其入骨透髓之功然但資外傳不入湯丸

雀卵

味酸溫無毒入腎經

強陰莖而壯熱補精髓而多男

雀屬陽而性淫故強壯陽事下元有真陽謂之少火天非此火不能生物人非此火不能有生火衰則陰痿精寒火足則精旺陽強雀卵之于人大矣哉雄雀屎名白丁香一頭尖者是雄兩頭圓者是雌療目痛決癰癰理帶下疳痕按陰虛火盛者勿食不可同李食孕婦食之生子多淫服木人亦忌之

五靈脂

味甘溫無毒入肝經惡人參酒飛去沙晒

止血氣之痛無異

手拈行冷滯之痰真同仙授

五靈脂乃寒號禽之糞也氣味俱厚獨入厥陰主血生用行血炒熟止血痛證若因血滯者下咽如神按性極羶惡脾胃虛薄者不能勝也

蟲魚部

蜂蜜 味甘平無毒入脾經忌生葱凡蜜一解入水四兩磁器中煉去沫滴米不散為度和百藥而解諸毒安五藏而補諸虛潤大腸而悅顏色調脾胃而除心煩同薑汁行初成之痢同薤白塗湯火之瘡

採百花之英合雨露之氣釀成其氣清和其味甘美虛實寒熱之證無不相宜也按大腸虛滑者雖熟蜜亦在禁例酸者食之令人心煩同葱食害人同蒿苣食令人利下食蜜飽後不可食鮮令人暴亡蠟性濇止久痢止血生肌定痛火熱暴痢者忌之露蜂房 味甘溫有毒惡乾薑丹 拔疔瘡附骨之根止風蟲牙齒之痛起陰痿而止遺尿洗乳癰而塗瘰癧

蜂房乃黃蜂之窠蜂大房大且露天封上者為勝 按其用以毒攻毒若癰疽潰後禁之 牡蠣味鹹寒無毒入腎經貝母為使惡消胸中之煩滿化痰凝之瘰癧固精澁二便止汗免崩淋

按虛而熱者宜之有寒者禁與

龜甲味鹹寒有毒入心腎二經補腎退骨蒸養心增智慧固大腸而止瀉痢除崩漏而截痰瘧小兒額門不合膝瘡朽臭難聞煎成膠良

龜稟北方之氣故有補陰之功若入丸散須研極細恐着人腸胃變為瘕也龜鹿皆永年龜首藏向腹能通任脉取不甲以補腎補血皆陰也鹿鼻反向尾能通督脉取上角以補火補氣皆陽也 按腎虛而無熱者不用

鼈甲味鹹寒無毒入肝經解骨間蒸熱消心腹癥瘕婦人漏下五色小兒脇下堅疼肉冷而難消脾虛者

鼈色青主治皆肝證龜色黑主治皆腎證同

歸補陰實有分別龜甲以自敗者為佳鼈甲以不經湯煮者為佳肝無熱者忌之

真珠 味鹹寒無毒入肝經絹包入豆腐中煮一香研極細 安魂定悸止濕除蒸收口生肌點睛退翳

稟太陰之精氣而結故中秋無月則蚌無胎宜其主用多入陰經 按珠體最堅研如飛

麵方用不細傷人藏府病不由火焚者忌之桑螵蛸 味鹹平無毒入腎經畏旋覆花蒸透再焙 起陽事而痿弱何

憂益精氣而多男可冀

即螳螂之子必以桑樹上者為佳也一生九十九子用一枚即傷百命仁人君子聞之且當慘然况忍食乎

海鰾鮓 味鹹溫無毒入肝經惡白芨白斂附子炙黃 止吐衄腸風澀久虛瀉痢外科燦膿收水眼科去翳清煩

味鹹入血性澁能收故有軟堅止滑之功瓦楞子 味鹹平無毒火煨醋淬研 消老痰至效破血癥殊靈

即蚌殼也鹹走血而軟堅故主治如上石決明 味鹹平無毒入肝腎經鹽水煮水飛 內服而障翳潛消

外點而赤膜盡散

七孔九孔者良十孔者不佳久服令人寒中

蟹

味鹹寒有小毒畏紫蘇大蒜木香忌柿

和經脉而散惡血清熱

結而續筋骨合小兒之顛解漆毒之瘡爪能隨胎

性寒能發風能薄藥力孕婦食之令兒橫生

斬州白花蛇

味鹹溫有毒去頭尾酒浸三宿去盡皮骨俱有大毒

主手足

癱瘓及肢節軟疼瘰癧口眼歪斜及筋脉攣急厲

風與破傷同寶急驚與慢驚其珍

透骨搜風截驚定搐為風家要藥內達藏府

外徹皮膚無處不到服者大忌見風產斬州

者最佳然不可多得龍頭虎口黑質白花脇

有二十四方勝紋腹有念珠班口有四長牙

尾有瓜甲長一二分腸如連珠眼光如生產

宅處者或兩目俱閉或一開一閉也按白

花蛇性走竄有毒惟真布風者宜之若類中

風屬虛者大忌烏稍蛇大略相同但無毒

而力淺色黑如漆尾細有劍脊者良

穿山甲

味鹹寒有毒炙黃

搜風逐痰破血開氣療蟻瘻

絕靈截癰疾至妙治腫毒未成即消已成即潰
理痛痺在上則升在下則降古名鯪

穴山而居寓水而食能走竄經絡無處不到
直達病所成功患病在某處即用某處之甲

此要訣也性猛不可過服

白蠶蠶味鹹辛溫無毒入肺脾肝三經惡桑螵

水上焙去治中風失音去皮膚風癢化風痰消

癩瘰拔疔毒滅癩痕男子陰癢女人崩淋

即蠶之病風者用以治風殆取其氣相感歟

雄蠶蛾味鹹溫有小毒炒去足翅止血收遺泄強陽益精氣

健于媾精敏于生育祈嗣者宜之

斑猫味辛寒有毒入肺脾二經畏巴豆丹參破

血結而墮胎兒散癥癖而利水道拔疔疽之惡

根下獠犬之惡物中蠱之毒宜求輕粉之毒亦

化

直走精溺之處蝕下敗物痛不可當不宜多

用痛時以木通等導之

蟾酥味辛溫有毒入胃腎二經發背疔疽五疳羸弱立止牙

疼善扶陽事

入外科方有奪命之功然輕用能爛人肌肉

蝦蟇 味辛温有毒酒浸一宿去皮腸爪炙乾 發時瘡之毒理疔積

之疔消獾犬之毒枯腸痔之根

屬土之精應月魄而性靈異過用發濕助火

水蛭 味鹹苦平入肝經畏石灰鹽炒枯黃 惡血積聚閉結堅牢炒

未調吞多效赤白丹腫癰毒初生竹筒合啞有

功

鹹走血苦勝血為攻血要藥誤吞生者入腹

生子啞血腸痛瘦黃以田泥調水飲數杯必

下也或以牛羊糞血一二杯同猪脂飲之亦

下染鬚藥中能引藥力倒上至根

虫 味苦寒有毒入肝經去足翅炒惡麻黃 攻血遍行經絡墮胎

只在須臾

青色入肝專噉牛馬之血仲景用以逐血因

其性而取用者非氣壯之人實有畜血者

水蛭虫蟲不敢輕與

廣蟲 味鹹寒有毒畏皂莢菖蒲屋遊 去血積搜剔極周主折傷

補接至妙煎合而木吉旋消水服而乳漿立至
即地鼈蟲也仲景有大黃廔蟲丸以其有攻
堅下血之功也虛人斟酌用之

蝮 味鹹寒無毒 通便而二陰皆利逐水而十
種俱平貼瘰癧頗效化骨哽殊靈

蝮 蝮自腰以前其澁能止二便自腰以後其
利能通二便治水甚效但其性猛虛人戒之

蟬殼 味酸寒無毒入肺肝脾三 快痘癩之毒宜
經沸湯洗淨去足翅晒乾
皮膚之風小兒驚癇夜啼目疾昏花障翳

感木土之氣吸風飲露其氣清虛故主療皆
風熱之恙又治音聲不响及嬰兒夜啼取其
晝鳴夜息之義也 按痘癩虛寒證禁服

蠶 味辛平有 善逐肝風深透筋骨中風恒收驚
毒入肝經
癩亦簡

諸風掉眩皆屬肝木蠶屬木色青獨入厥陰
為風家要藥全用者謂之全蠶但用尾謂之
蠶稍其力尤緊 按似中風及小兒慢脾風
病屬于虛者法咸禁之

86
4938

醫門
少論
卷之四

糸

